

ურთიერთგაგების მემორანდუმი

ქ. თბილისი

20 იანვარი, 2017 წ.

ერთი მხრივ, საქართველოს მთავრობა (შემდგომში - „მთავრობა“), წარმოდგენილი საქართველოს ენერჯეტიკის მინისტრის, კახა კალაძის მიერ და

მეორე მხრივ, შპს „ჰერეთი ენერჯი“, ს/კ: 416323990 (შემდგომში - „კომპანია“), წარმოდგენილი დირექტორის, ავთანდილ ფოფხაძის მიერ,

დებენ წინამდებარე ურთიერთგაგების მემორანდუმს (შემდგომში - „მემორანდუმი“) შემდეგზე:

1. მიზანი

მემორანდუმის მიზანს წარმოადგენს კომპანიის მიერ წინამდებარე მემორანდუმის დანართი N1-ით გათვალისწინებული ჰიდროელექტროსადგურის (შემდგომში - „ელექტროსადგური“) მშენებლობის ტექნიკურ-ეკონომიკური განხორციელებადობის საკითხების შესწავლა, შემდგომში მისი მშენებლობის, ფლობისა და ოპერირების მიზნით ამ მემორანდუმით და მხარეთა შორის შემდგომში შეთანხმებული პირობების მიხედვით (შემდგომში - „პროექტი“).

2. პროექტის ვადები და ძირითადი პირობები

2.1. კომპანია მემორანდუმის დანართ N1 და N2-ით განსაზღვრული ვადებისა და პირობების შესაბამისად, ვალდებულია:

- 2.1.1. განსაზღვროს პროექტისათვის საჭირო ან/და მისი ზემოქმედების ქვეშ მოქცეული მიწის ნაკვეთები და მათი ადგილმდებარეობა;
- 2.1.2. ჩაატაროს და დაასრულოს ელექტროსადგურის მშენებლობის ტექნიკურ-ეკონომიკური განხორციელებადობის კვლევა (შემდგომში - „ტექნიკურ-ეკონომიკური განხორციელებადობის კვლევა“) მემორანდუმის დანართი N2-ით განსაზღვრულ ვადებში (მემორანდუმით განსაზღვრული ელექტროსადგურის ტექნიკური პარამეტრების ფარგლებში) და წარუდგინოს შესაბამისი ანგარიში საქართველოს ენერჯეტიკის სამინისტროს (შემდგომში - „სამინისტრო“);
- 2.1.3. დაასრულოს გარემოზე ზემოქმედების შეფასების ანგარიში და წარუდგინოს ის საქართველოს გარემოსა და ბუნებრივი რესურსების დაცვის სამინისტროს და სამინისტროს;
- 2.1.4. ჩაატაროს საჯარო განხილვები და წარუდგინოს შედეგები საქართველოს გარემოსა და ბუნებრივი რესურსების დაცვის სამინისტროს და სამინისტროს;
- 2.1.5. სამინისტროს წარუდგინოს წინადადება ელექტროსადგურის მშენებლობის თაობაზე (შემდგომში - „წინადადება“) მემორანდუმით განსაზღვრული ელექტროსადგურის ტექნიკური პარამეტრების ფარგლებში.

2.2. იმ შემთხვევაში, თუ კომპანია მემორანდუმის 2.1 პუნქტით განსაზღვრული ვალდებულებების შესრულების შედეგად გადაწყვეტს ელექტროსადგურის მშენებლობას, მან სამინისტროს უნდა წარუდგინოს წინადადება დანართი N2-ით განსაზღვრულ ვადაში, რომელიც უნდა შეიცავდეს შემდეგს:

- 2.2.1. კომპანიის გადაწყვეტილებას შესაბამისი ელექტროსადგურის მშენებლობაზე;
- 2.2.2. სრულ ტექნიკურ პარამეტრებს, ელექტროსადგურის დადგმული სიმძლავრისა და საპროგნოზო წლიური გამომუშავების ჩათვლით;
- 2.2.3. ელექტროსადგურის განლაგების ზუსტ კოორდინატებსა და მდინარის ნიშნულებს;

2.2.4. პროექტის განხორციელებისათვის საჭირო ინვესტიციის სავარაუდო ოდენობას;

2.2.5. სს „ელექტროენერჯეტიკული სისტემის კომერციულ ოპერატორზე“ ელექტროსადგურის მიერ გამოიშვება ელექტროენერჯის მიყიდვის მიზნით შეთავაზებულ ფასს, მოცულობასა და შესყიდვის პერიოდს;

2.2.6. სრულ ანგარიშს ტექნიკურ-ეკონომიკური განხორციელებადობის კვლევის შესახებ;

2.2.7. გარემოზე ზემოქმედების შეფასების ანგარიშსა და შესაბამისი საჯარო განხილვების შედეგებს.

2.3. თუ ტექნიკურ-ეკონომიკური განხორციელებადობის კვლევის ან/და გარემოზე ზემოქმედების შეფასების ანგარიშის შედეგების საფუძველზე აღმოჩნდება, რომ ელექტროსადგურის მშენებლობა და ოპერირება კომპანიისათვის ტექნიკურად ან/და ეკონომიკურად არ არის მიზანშეწონილი, კომპანია უფლებამოსილია, საკუთარი შეხედულებისამებრ, მიიღოს გადაწყვეტილება პროექტის განხორციელებლობის თაობაზე იმ პირობით, რომ პროექტის განხორციელებაზე უარის თქმის შესახებ შესაბამისი შეტყობინება უნდა გაეგზავნოს სამინისტროს, მისთვის მემორანდუმის 2.2 პუნქტით გათვალისწინებული წინადადების წარდგენამდე.

2.4. კომპანიის მიერ მემორანდუმის 2.2 პუნქტის შესაბამისად წინადადების წარდგენიდან 5 (ხუთი) თვის ვადაში სამინისტრო და კომპანია ერთობლივად განიხილავენ ელექტროსადგურის მშენებლობის მიზანშეწონილობის საკითხს და შესაბამისი მშენებლობის, ფლობისა და ოპერირების შესახებ დასაძებნი ხელშეკრულების (შემდგომში - „ხელშეკრულება“) პირობებს, რაზეც შეთანხმების შემთხვევაში, საკითხი საბოლოო გადაწყვეტილების მისაღებად წარედგინება მთავრობას, ხოლო ელექტროსადგურის მშენებლობის მიზანშეწონილობისა და ხელშეკრულების ხელმოწერის თაობაზე მთავრობის დადებითი გადაწყვეტილების შემთხვევაში, მხარეები ხელს მოაწერენ ხელშეკრულებას. მთავრობის აღნიშნული გადაწყვეტილება უნდა ეყრდნობოდეს მხოლოდ კომპანიის მიერ წარმოდგენილ წინადადებას, ტექნიკურ-ეკონომიკური განხორციელებადობის კვლევის შედეგებს, გარემოზე ზემოქმედების შეფასების ანგარიშის ან/და საჯარო განხილვების შედეგებს.

2.5. ელექტროსადგურის მშენებლობის უზრუნველყოფის მიზნით, ხელშეკრულების ხელმოწერის დღეს კომპანიამ მთავრობის სასარგებლოდ უნდა წარადგინოს სამშენებლო გარანტია ყოველი მეგავატისათვის 50,000.00 (ორმოცდაათი ათასი) აშშ დოლარის ან მისი ექვივალენტის ევროში ოდენობით. კომპანიის მიერ წარმოდგენილი სამშენებლო გარანტია უნდა იყოს გაცემული სახელმწიფოს მიერ ლიცენზირებული ბანკის ან/და „ეკონომიკური თანამშრომლობისა და განვითარების ორგანიზაციის“ („OECD“) წევრი ქვეყნის ბანკის მიერ.

2.6. მთავრობა ამ მემორანდუმის დანართი N2-ით გათვალისწინებულ ვადაში კომპანიის წერილობითი თანხმობის გარეშე არ გადასცემს დანართი N1-ით გათვალისწინებული ნიშნულების ფარგლებში ელექტროსადგურის მშენებლობის ტექნიკურ-ეკონომიკური განხორციელებადობის საკითხების შესწავლის ან/და ელექტროსადგურის მშენებლობის, ფლობისა და ოპერირების უფლებას სხვა პირს, გარდა მემორანდუმის 2.8 და 2.9 პუნქტებით გათვალისწინებული შემთხვევებისა.

2.7. წინამდებარე მემორანდუმის 2.4 პუნქტით გათვალისწინებული ხელშეკრულების დადების ამოწურვამდე მთავრობა არ გადასცემს სხვა პირს დანართი N1-ით გათვალისწინებული ნიშნულების ფარგლებში ელექტროსადგურის მშენებლობის ტექნიკურ-ეკონომიკური განხორციელებადობის საკითხების შესწავლის ან/და ელექტროსადგურის მშენებლობის, ფლობისა და ოპერირების უფლებას, რომლის მშენებლობაზეც კომპანიის მიერ მემორანდუმის შესაბამისად წარდგენილ იქნა წინადადება ან/და ამ მემორანდუმის მიხედვით, მხარეთა მიერ მიღებული იქნა გადაწყვეტილება ელექტროსადგურის მშენებლობის შესახებ, გარდა მემორანდუმის 2.8 და 2.9 პუნქტებით გათვალისწინებული შემთხვევებისა.

2.8. მთავრობა უფლებამოსილია მემორანდუმის 2.6 ან/და 2.7 პუნქტებით დადგენილი ვადის გასვლამდე კომპანიის თანხმობის გარეშე გადასცეს დანართი N1-ით განსაზღვრული

ელექტროსადგურის მშენებლობის ტექნიკურ-ეკონომიკური განხორციელებადობის საკითხების შესწავლის ან/და მშენებლობის, ფლობის და ოპერირების უფლება სხვა პირს, თუ:

2.8.1. მთავრობას გააჩნია დასაბუთებული ვარაუდი იმის თაობაზე, რომ კომპანია ვერ უზრუნველყოფს ტექნიკურ-ეკონომიკური განხორციელებადობის კვლევის ჩატარებას;

2.8.2. კომპანიამ დაარღვია მემორანდუმის დანართი N2-ით განსაზღვრული ნებისმიერი ვადა;

2.8.3. კომპანიამ ელექტროსადგურის მშენებლობაზე წერილობით უარი განაცხადა.

2.9. კომპანია ვალდებულია მოთხოვნისთანავე გადასცეს მთავრობას მის ხელთ არსებული ტექნიკურ-ეკონომიკური განხორციელებადობის კვლევისა და გარემოზე ზემოქმედების შეფასების ანგარიშები, საჯარო განხილვების შედეგები, ისევე, როგორც პროექტთან დაკავშირებულ სხვა ნებისმიერი დოკუმენტი და ნახაზი, თუ:

2.9.1. მემორანდუმის მოქმედება შეწყდა 5.2 პუნქტის შესაბამისად;

2.9.2. დადგა 2.8 პუნქტის შესაბამისი ნებისმიერი გარემოება.

2.10. საქართველოს ელექტროენერჯით მომარაგების უზრუნველყოფის მიზნით, ელექტროსადგურის ექსპლუატაციაში მიღებიდან ათი წლის განმავლობაში, ყოველი წლის შემდეგ თვეებში: იანვარი, თებერვალი, მარტი, აპრილი, სექტემბერი, ოქტომბერი, ნოემბერი, დეკემბერი - ელექტროსადგურის სრული ფაქტობრივი წლიური გამომუშავების ექსკლუზიური რეალიზაცია უნდა განხორციელდეს საქართველოს ადგილობრივ ბაზარზე, რაც აისახება შესაბამისი წლის ელექტროენერჯის (სიმძლავრის) ბალანსში ან სხვა ანალოგიური ხასიათის დოკუმენტში.

2.11. იმ შემთხვევაში, თუ ელექტროსადგურის განთავსების სავარაუდო ადგილი აღმოჩნდება დაცული ტერიტორიის ფარგლებში, ელექტროსადგურის მშენებლობა ვერ განხორციელდება. თუ სავარაუდო ტერიტორიებზე არსებობს ლიცენზირებული კარიერი ან წიაღისეულის საბადო, საქმიანობის განხორციელებით დაინტერესებული პირმა, საქართველოს კანონმდებლობით დადგენილი წესით, უნდა მოიპოვოს წიაღით მოსარგებლის შესაბამისი თანხმობა, ხოლო ელექტროსადგურის განთავსების სავარაუდო ადგილის სახელმწიფო ტყის ფონდის ტერიტორიაზე მოხვედრის შემთხვევაში სახელმწიფო ტყის ფონდით სარგებლობა განხორციელდება სახელმწიფო ტყის ფონდით სარგებლობისათვის საქართველოს კანონმდებლობით დადგენილი წესით.

2.12. მხარეები აცნობიერებენ, რომ სს „საქართველოს ენერჯეტიკის განვითარების ფონდი“ (ს/კ: 404391975) საქართველოს ენერჯეტიკის სამინისტროს დავალების საფუძველზე ახორციელებს საქართველოს მასშტაბით არსებული ენერჯეტიკული პოტენციალის შესწავლას. შესაბამისად, შესაძლებელია წინამდებარე მემორანდუმით განსაზღვრული ელექტროსადგურის პარამეტრები ან/და ადგილმდებარეობა შეიცვალოს სს „საქართველოს ენერჯეტიკის განვითარების ფონდის“ მიერ ჩატარებული კვლევების შედეგების გათვალისწინებით.

3. პროექტის განხორციელების ხელშეწყობა

3.1. პროექტის განხორციელების მიზნით, მთავრობა, თავისი კომპეტენციის ფარგლებში, უზრუნველყოფს სახელმწიფო საკუთრებაში არსებული შესაბამისი მიწის ნაკვეთ(ებ)ის კომპანიისათვის კანონმდებლობით დადგენილ წესით გადაცემას (საკუთრებით ან სხვა შესაბამისი უფლებით), იმ პირობით, რომ კომპანიის მიერ სრულად იქნება დაკმაყოფილებული კანონმდებლობით დადგენილი მოთხოვნები და მემორანდუმის პირობები.

3.2. მთავრობა, თავისი კომპეტენციის ფარგლებში, აღმოუჩენს კომპანიას სათანადო დახმარებას ელექტროსადგურის მშენებლობის ტექნიკურ-ეკონომიკური განხორციელებადობის საკითხების შესწავლის პროცესში, იმ პირობით, რომ კომპანიის მიერ სრულად იქნება დაკმაყოფილებული კანონმდებლობით დადგენილი მოთხოვნები და მემორანდუმის პირობები.

4. პროექტის ხარჯები, ინფორმაციის მიწოდება

4.1. პროექტთან დაკავშირებულ ხარჯებს სრულად გაიღებს კომპანია.

4.2. კომპანია წინამდებარე მემორანდუმის დადების დღიდან ვალდებულია კვარტალში ერთხელ სამინისტროს წარუდგინოს ანგარიში, რომელიც უნდა ასახავდეს კომპანიის მიერ დანართი N2-ით განსაზღვრული ვალდებულებების შესრულების პროგრესს და უნდა შეიცავდეს კონკრეტული კვლევის დასაბუთების შესახებ ინფორმაციას, მიღებულ შედეგებს, გაანგარიშებებს, გათვლებს, პარამეტრებს, გამოყენებული მეთოდოლოგიებისა და სტანდარტების მითითებით. თუ აღნიშნული ანგარიში, მთლიანად ან ნაწილობრივ არ არის შესაბამისი ხარისხის, შესაძლებელია სამინისტრომ წერილობითი შეტყობინების მეშვეობით კომპანიას განუსაზღვროს დამატებით 3 (სამი) თვემდე გონივრული ვადა აღნიშნული ხარვეზის აღმოფხვრის მიზნით. აღნიშნული დამატებითი დრო არ განაპირობებს მემორანდუმის დანართი N2-ით გათვალისწინებული საერთო ვადის გაგრძელებას.

5. მემორანდუმის მოქმედება

5.1. მემორანდუმი ძალაში შედის მხარეთა მიერ მისი ხელმოწერისთანავე.

5.2. მემორანდუმის მოქმედება შესაძლებელია შეწყდეს:

5.2.1. მხარეთა შეთანხმებით;

5.2.2. მთავრობა უფლებამოსილია ცალმხრივად, სამინისტროს მიერ კომპანიისათვის გაგზავნილი შეტყობინების საფუძველზე, შეწყვიტოს მემორანდუმი შემდეგ შემთხვევებში, თუ:

ა) კომპანიამ დაარღვია მემორანდუმის დანართი N2-ით განსაზღვრული ნებისმიერ ვადა;

ბ) სამინისტროსთვის კომპანიის მიერ 2.2. პუნქტის შესაბამისად წინადადება არ იქნა წარდგენილი;

ბ) კომპანიის მიერ 2.2 პუნქტის შესაბამისად სამინისტროსთვის წარდგენილ იქნა წინადადება, მაგრამ სამინისტროსა და კომპანიას შორის არ იქნა მიღწეული შეთანხმება 2.4 პუნქტის შესაბამისად ელექტროსადგურის მშენებლობის მიზანშეწონილობის ან/და ხელშეკრულების პირობების თაობაზე;

გ) სამინისტრომ ხელშეკრულების პროექტი წარუდგინა მთავრობას 2.4 პუნქტის შესაბამისად, მაგრამ მთავრობამ არ მიიღო დადებითი გადაწყვეტილება ხელშეკრულების დადების თაობაზე;

დ) სამინისტრომ ხელშეკრულების პროექტი წარუდგინა მთავრობას, მთავრობის მიერ 2.4 პუნქტის შესაბამისად მიღებულ იქნა დადებითი გადაწყვეტილება, მაგრამ კომპანიის მიერ ან/და კომპანიის ბრალით ხელი არ მოეწერა ხელშეკრულებას 2.4 პუნქტით დადგენილ ვადაში;

5.2.3. ავტომატურად, ამ მემორანდუმის 2.4 პუნქტით გათვალისწინებული ხელშეკრულების დადებისთანავე.

5.3. მთავრობის მიერ ამ მემორანდუმის 5.2.2 პუნქტის შესაბამისად მემორანდუმის შეწყვეტა გამოიწვევს შემდეგს:

ა) სახელმწიფოს უსასყიდლოდ გადაეცემა უფლებები (მათ შორის, საკუთრების უფლება) პროექტის განხორციელებისთვის საჭირო ან/და მისი ზემოქმედების ქვეშ მოქცეულ მიწის ნაკვეთებზე (ასეთის არსებობის შემთხვევაში), რომლებიც გადაცემის მომენტისათვის უნდა იყოს უფლებრივად უნაკლო;

ბ) კომპანიას ჩამოერთმევა პროექტის განხორციელების უფლება;

გ) კომპანიის ხელთ არსებულ ტექნიკურ-ეკონომიკური განხორციელებადობის კვლევისა და გარემოზე ზემოქმედების შეფასების შესახებ ანგარიშზე, საჯარო განხილვების შედეგებზე, ისევე, როგორც პროექტთან დაკავშირებულ ნებისმიერ დოკუმენტსა და ნახაზზე (მათ შორის, კომპანიის მიერ შემუშავებულ დოკუმენტებზე) ექსკლუზიური საკუთრების უფლება (მათ შორის, ინტელექტუალური საკუთრების უფლებები) უსასყიდლოდ გადაეცემა მთავრობას.

6. ცვლილებები

6.1. წინამდებარე მემორანდუმის ცალკეული დებულება შეიძლება შეიცვალოს მხოლოდ მხარეთა წერილობითი შეთანხმების საფუძველზე.

6.2. იმ შემთხვევაში, თუ ტექნიკურ-ეკონომიკური განხორციელებადობის კვლევის ან/და გარემოზე ზემოქმედების შეფასების ანგარიშის შედეგად, მიზანშეწონილია, შეიცვალოს ელექტროსადგურის ტექნიკური პარამეტრები, ნიშნულები ან/და სხვა მონაცემები, კომპანიის დასაბუთებული წერილობითი მოთხოვნის საფუძველზე, მთავრობა განიხილავს მემორანდუმში ცვლილებების შეტანის საკითხს.

6.3. იმ შემთხვევაში, თუ ამ მემორანდუმით ნაკისრი ვალდებულებების შესრულების ან/და პროექტის განხორციელების პროცესში კომპანია შეფერხდება მისგან დამოუკიდებელი მიზეზის გამო (მათ შორის, პროექტის განხორციელებისათვის საჭირო კერძო საკუთრებაში არსებული ან დაურეგისტრირებელი მიწის ნაკვეთების მესაკუთრეებისგან/მოსარგებლეებისგან სათანადო უფლებების გაფორმების ან გადმოცემის, მიწის ნაკვეთების გამოსყიდვის გამო), კომპანიის მოთხოვნის საფუძველზე, მთავრობა განიხილავს მემორანდუმით გათვალისწინებული ვადების შესაბამისი პერიოდით გადაწევის ან/და მემორანდუმში სხვაგვარი ცვლილებების შეტანის საკითხს, რის შედეგადაც კომპანიას შესაძლოა მიეცეს დამატებითი ვადა მემორანდუმით ნაკისრი ვალდებულებების შესასრულებლად შესაბამისი გაცდენილი ვადის ოდენობით.

6.4. იმ შემთხვევაში თუ კომპანიის მიერ წინამდებარე მემორანდუმით განსაზღვრული ნებისმიერი ვადის დარღვევა გამოწვეულია მთავრობის, საქართველოს ადგილობრივი თვითმმართველობის ორგანოების, სხვა ნებისმიერი სახელმწიფო სტრუქტურის მოქმედებით ან/და უმოქმედობით, მთავრობა განიხილავს მემორანდუმით გათვალისწინებული ვადების შესაბამისი პერიოდით გადაწევის ან/და მემორანდუმში სხვაგვარი ცვლილებების შეტანის საკითხს, რის შედეგადაც კომპანიას შესაძლოა მიეცეს დამატებითი ვადა მემორანდუმით ნაკისრი ვალდებულებების შესასრულებლად შესაბამისი გაცდენილი ვადის ოდენობით.

6.5. იმ შემთხვევაში, თუ მემორანდუმის ნებისმიერი დებულება გახდება ბათილი ან ძალადაკარგული, ეს არ იქონიებს გავლენას მემორანდუმის სხვა დებულებებზე.

6.6. კომპანია, მთავრობის წერილობითი თანხმობის შემთხვევაში, უფლებამოსილია წინამდებარე მემორანდუმით განსაზღვრული თავისი უფლებები და მოვალეობები სრულიად ან ნაწილობრივ გადასცეს სხვა, მესამე პირებს, საქართველოს კანონმდებლობით დადგენილი წესით.

7. შეტყობინება

მხარეების მიერ გაგზავნილი ნებისმიერი კორექსონდენცია, წინამდებარე მემორანდუმის ფარგლებში, უნდა განხორციელდეს წერილობითი ფორმით და გაიგზავნოს ფოსტით ან კურიერის მეშვეობით (ორიგინალთან ერთად). შეტყობინება შევა ძალაში დაუყოვნებლივ ადრესატის მიერ მისი მიღებისთანავე.

8. მარეგულირებელი კანონმდებლობა და დავების მოგვარება

8.1. წინამდებარე მემორანდუმი დადებულია, რეგულირდება და განიმარტება საქართველოს კანონმდებლობის შესაბამისად.

8.2. ყველა დავა, რომელიც წარმოიშობა წინამდებარე მემორანდუმიდან გამომდინარე ან/და მასთან დაკავშირებით, უნდა გადაწყდეს მხარეთა მოლაპარაკების გზით. მოლაპარაკების მეშვეობით დავის 3 (სამი) თვის განმავლობაში გადაუწყვეტელობის შემთხვევაში, ნებისმიერი დავა ან/და უთანხმოება წარმოქმნილი ამ მემორანდუმიდან გამომდინარე ან/და მასთან დაკავშირებით, საბოლოოდ უნდა გადაწყდეს საქართველოს საერთო სასამართლოების მიერ საქართველოს კანონმდებლობით დადგენილი წესით.

9. ფორს-მაჟორი

9.1. ფორს-მაჟორი ნიშნავს ნებისმიერ მოვლენას (მათ შორის, ომს, სამოქალაქო ომს, ინტერვენციას, შეიარაღებულ კონფლიქტს, ტერორისტულ აქტს, რადიაციას, ბიოლოგიურ ან/და ქიმიურ დაბინძურებას, აფეთქებას, ხანძარს, ეპიდემიას, ციკლონს, მეწყერს, მეხს, მიწისძვრას, წყალდიდობას, ვულკანის ამოფრქვევას, სხვა სტიქიურ უბედურებას ან/და ნებისმიერ მსგავს მოვლენას), რომელიც მხარეების გონივრული კონტროლის მიღმა და მისი წარმოქმნის წინასწარ განჭვრეტა შეუძლებელი იყო მემორანდუმის დადების მომენტისათვის.


9.2. იმ შემთხვევაში, თუ რომელიმე მხარეს ხელი ეშლება მემორანდუმით ნაკისრი ვალდებულებების შესრულებაში მემორანდუმის 9.1 პუნქტში აღნიშნული ფორს-მაჟორული გარემოების დადგომის გამო, მან დაუყოვნებლივ წერილობით უნდა შეატყობინოს მეორე მხარეს ამის შესახებ. ამავე მხარემ გონივრულ ვადაში უნდა წარუდგინოს მეორე მხარეს დეტალური ინფორმაცია ფორს-მაჟორის მიზეზებისა და შედეგების შესახებ.

9.3. იმ შემთხვევაში, თუ ფორს-მაჟორი ხელს შეუშლის ნებისმიერი მხარის მემორანდუმით გათვალისწინებული რომელიმე ვალდებულების ან მისი ნაწილის ჯეროვნად შესრულებას, იმ მხარეს, რომელიც ფორს-მაჟორულ გარემოებაზე მიუთითებს, ვალდებულებების შესრულებლობა ჩათვლება საპატიოდ ამ გარემოების ზემოქმედების პროპორციულად და მეორე მხარეს არ ექნება უფლება, შეწყვიტოს მემორანდუმი, თუ ამავე მემორანდუმით სხვა რამე არ არის გათვალისწინებული.


10. ასლები, მემორანდუმის ენა

მემორანდუმი შედგენილია ქართულ ენაზე, ორ თანაბარი იურიდიული ძალის მქონე ეგზემპლარად.

11. ხელმოწერები:

საქართველოს მთავრობა


კახა კალაძე

შპს „ჰერეთი ენერჯი“ 

ავთანდილ ფოფხაძე

დანართი N1

ჰიდროელექტროსადგურის დასახელება	ადგილმდებარეობა	მდინარის ნიშნულები მ.ზ.დ.		წლიური გამომუშავება	სიმძლავრე
ფონა ჰესი	საქართველო, კახეთის რეგიონი, ლაგოდეხის მუნიციპალიტეტი, მდ. კაბალი	505	312	55,06 მლნ.კვტ.სთ	10,62 მგვტ

დანართი N2

ჰიდროელექტროსადგურის დასახელება: ფონა ჰესი	თვეების რაოდენობა მემორანდუმის ხელმოწერის თარიღიდან			
	3	6	9	12
ადგილმდებარეობისა და ძირითადი პარამეტრების დაზუსტება	X			
ტოპოგრაფიული კვლევა და რუკების მომზადება	X	X		
გეოლოგია, გეოფიზიკა	X	X		
სეისმური ანგარიში		X		
სამშენებლო მასალების კვლევა		X		
მეტეოროლოგიური და ჰიდროლოგიური კვლევები	X			
ჰიდრაულიკური კვლევები		X		
ალტერნატივების ანალიზი		X		
ტექნიკური დიზაინი	X	X	X	
ინფრასტრუქტურა		X		
ელექტროენერჯის წარმოება		X		
ქსელთან მიერთება და გადამცემი ხაზი	X			
სამუშაოების მოცულობის უწყისი			X	
მშენებლობის ორგანიზაცია		X	X	
ეკონომიკური ანალიზი				X
ფინანსური ანალიზი				X
შესყიდვების დაგეგმვა და განხორციელების გეგმა				X
მუშახელის მომზადების გრაფიკი				X
ტექნიკურ-ეკონომიკური ანგარიშის წარდგენა				X
გარემოზე ზემოქმედების შეფასების ანგარიში			X	X
საჯარო განხილვების შედეგები				X
პროექტის განხორციელებისათვის საჭირო მიწის ნაკვეთების ადგილმდებარეობის დადგენა და განსაზღვრა				X
პროექტის განხორციელების თაობაზე სამინისტროსთვის წინადადების წარდგენა				X



საქართველოს იუსტიციის სამინისტრო
MINISTRY OF JUSTICE OF GEORGIA



KA010110570434016

საქართველო, ქ. თბილისი, D114, გორგასლის ქ. 24 ა. ტელ.: 2 40-51-48, 2 40-58-36; ელ. ფოსტა: info@justice.gov.ge
24 a, Gorgasali str., D114, Tbilisi, Tel.: 2 40-51-48, 2 40-58-36, E-MAIL: info@justice.gov.ge

№8434

26 / დეკემბერი / 2016 წ.

საქართველოს ენერჯეტიკის
მინისტრის მოადგილეს,
ბატონ ირაკლი ხმალაძეს

ბატონო ირაკლი,


საქართველოს იუსტიციის სამინისტრომ განიხილა თქვენ მიერ 2016 წლის 23 დეკემბრის №04/5076 წერილით წარმოდგენილი საქართველოს შთაჯრობასა და შპს „ჭერეთი ენერჯის“ შორის „ფონა ჰესის“ შესახებ დასადები ურთიერთგაგების მემორანდუმის პროექტი, რომელთან დაკავშირებით გაცნობებით, რომ სამართლებრივი ხასიათის შენიშვნები არ გვაქვს.

ამასთან, გაცნობებით, რომ მემორანდუმის პროექტს აქვს ტექნიკური ხასიათის ხარვეზი, კერძოდ, პროექტის 2.9.2 პუნქტში, ნაცვლად 2.9 პუნქტისა, უნდა მიეთითოს 2.8 პუნქტი.

პატივისცემით,

მინისტრის პირველი მოადგილე

ალექსანდრე მარამიძე



25248

საქართველოს მთავრობის განკარგულება


№24 2017 წლის 11 იანვარი ქ.თბილისი

საქართველოს მთავრობასა და შპს „ჰერეთი ენერჯის“ შორის დასადები ურთიერთგაგების მემორანდუმის თაობაზე

1. მოწონებულ იქნეს „ფონა ჰესის“ მშენებლობის განხორციელებადობის ტექნიკურ-ეკონომიკური საკითხების შესწავლის თაობაზე საქართველოს მთავრობასა და შპს „ჰერეთი ენერჯის“ შორის დასადები ურთიერთგაგების მემორანდუმი.

2. „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის 27-ე მუხლის შესაბამისად, ამ განკარგულების პირველ პუნქტში მითითებულ ურთიერთგაგების მემორანდუმს საქართველოს მთავრობის სახელით ხელი მოაწეროს საქართველოს ენერჯეტიკის მინისტრმა კაზა კალამემ.

პრემიერ-მინისტრი



გიორგი კვიციანი